

١٠ ٤٤

بلکونات بریطانیا العظمی  
ولید فؤاد

بلكونات بريطانيا العظمى / شعر

وليد فؤاد

الطبعة الأولى ، ٢٠٠٩



دار اكتب للنشر والتوزيع

القاهرة ، أش المعهد الديني ، المرج

هاتف : ٠٢٢٤٤٠٥٠٤٧

موبايل : ٠١٢٩٢٥١٥٩٢ - ٠١٨٢٣٦٣٠٣٥

E - mail : dar\_oktoob@gawab.com

المدير العام :

يحيى هاشم

تصميم الغلاف :

حاتم عرفة

رقم الإيداع : ٢٠٠٨/٢٠٥٤٢

I.S.B.N: ٩٧٧-٤١٥-٣٧٤-٩

جميع الحقوق محفوظة ©

# بلکونات بریطانیا العظمی

شعر

ولید فؤاد

الطبعة الأولى

٢٠٠٩



دار اكتب للنشر والتوزيع



## إهداء

إلى روح أبويا البطل الله يرحمه .. إلى أُمي الحبيبة ست ستات  
الزمن ده .. إلى زوجتي حبيبتي ملهمتي .. إلى أصدقائي ...  
إلى كل أساتذتي اللي اتعلّمت منهم إزاي يكونلي وجهة نظر  
وإزاي أكتب كلام موزون.  
إلى الشارع المصري ورجل هذا الشارع ..  
إلى الغلاية ... يعنى مصر ...  
أهدي ديوانى الاول



## لحظة رَجْعَتِي

مستني لحظة رجعتي  
وف عز فجر الصيف أشوفك ترسمي  
صورة وطن وهواه يبرد لوعتي

\*\*\*

مستني لحظة رجعتي  
للليل وأسفلت الشوارع والرحام  
دول كانوا دائماً جوه قلبي ف غربتي

\*\*\*

مستني لحظة رجعتي  
بعد العذاب في الغربة وسنين الحنين  
حضنك يا بلدي هو بيتي وسكتي

\*\*\*

مستني لحظة رجعتي  
طالب تسمحي وتغفري ليا البعاد  
طول عمري إبنك وإنتي عشقي وكلمتي

مستني لحظة رجعتي  
لبوت قديمة شايلة جواها التاريخ  
فيها بدايتي وفيها حيي وغنوتي

\*\*\*

مستني لحظة رجعتي  
أنوار جوامعك والكنائس كانوا دائماً  
قناديل طريقي وفي السبيل كانوا شمعتي

\*\*\*

مستني لحظة رجعتي  
لصحن فول شاييل هموم كل القلوب  
والصبر دائماً كنت شايله ف خزنيتي

\*\*\*

مستني لحظة رجعتي  
كلمة أخيرة بقولها  
حبك في قلبي يابلدي مهما بعدت عنك  
إنني حبيبي وأمي وإنني سلوتي  
مستني لحظة رجعتي

\*\*\*



## سلسلة مفاتيح

بنشوف في بلدنا كثير مفاتيح  
في جميع أنحائها منين ما نكون  
البي أدمين شايلة المفاتيح  
فيهم م العاقل والمجنون

(١)

بنشوف بهوات وكمان كُبارات  
مفاتيحهم غير كُل المفاتيح  
مفاتيح لقصور ويا الفيلات  
مفاتيح لخزائن شايلة حاجات  
ومخازن ياما وعربيات  
بتعدّي بدون أيها تصرّيح  
لو حب يرشع نفسه في يوم  
ده في الانتخابات نعم الترشيح  
فلسفة وخطابة وكتر كلام

دَه سِيَّاسِي كَبِير وَلِسَانُهُ فَصِيح  
لَوْحَدَف مَرَّة قَالَ يَا فَسَاد  
يَقْلِب عَلَيَّ طُول وَتَشْوَفُهُ أَيْح

(٢)

مَفَاتِيح ثَانِيَةِ لِشَقَقُ عَ النَّيْل  
وَبِرَانْدَةُ فَنَائِهَا تَشْوَفُهُ فَسِيح  
مَالْهَاش فِي نَظَرِهِمْ أَي بَدِيل  
وَالْعَيْشَةُ تَمَام وَالرَّزْقُ مُرِيح  
وَالْفَرْقُ أَهْو وَاضِح زِي الشَّمْس  
مِنْ غَيْرِ إِشَارَات وَبِدُون تَوْضِيح  
بَيْن لَعِب كِبَار.. قَهْرِب فِي آثَار  
بِيَّاع غُلْبَان دَائِمًا سَرِيح

(٣)

وَعَلَابَةُ هُنَاكَ مِنْ غَيْرِ مَفَاتِيح  
يَشْوَفُوا يَوْمَاتِي الْوَيْلَ مَلَائِينَ  
وَحَيَاتِهِمْ بَوْسَ بَدُون تَفَارِيح  
وَلَا قَادِر حَتَّى عَلَيَّ التَّأْمِينَ  
دَه فَقِير وَلِسَانُهُ تَمَلِّي كَسِيح

وحقوقه اهي ضايعة ونسأل مين ؟..  
صدمان عدمان وفي وطنه جريح  
خدوا منه كمان حق التومين  
ولكنه اختار من دون مفاتيح  
مفتاح يمكن هايكونله خروج  
لحياته الصعبة يكون تصحيح  
يفتحله علي الحرية طريق  
وينور له كل المصاييح  
لما سألته مفتاحك فين ؟..  
قال مفتاحي ده غير المفاتيح  
مفتاح الفرج الرباني  
”الصبر“  
ده كان وأكيد هايكون  
نعم المفاتيح

\*\*\*\*\*



## شكشوكة

شكشُوكَة ده كان صيَّاد ماهر  
عنده فلوكَة  
كانت لصاحِبنا مملوكَة  
كانت بتجيله من الأرزاق  
أشكال والوان المبروكَة  
كانت تنهز بين الأمواج  
ده لإن حبالها مفكُوكَة  
وتشوفه بيقذف بالعافية  
مقاديِفها في جنبها ممسُوكَة  
والحلم في أوصال شكشُوكَة  
هايجيله ميت ألف فلوكَة  
وبدا يكبر شكشُوكَة كمان  
ومعاه كبرت المبروكَة  
صَبَحَت مبروكَة في غمضة عين  
عبارة بخطة محبُوكَة

بَدَلِ الْعِبَارَةَ صَبَحُوا إِتَيْنِ  
وَدِي كُلُّهَا أَمْلَاكَ شَكُّشُوكَ  
لَوْ حَبَّ يَفْكُهَا بِالْفَلَالِيكَ  
تَصْبَحُ مَلِيُونِ أَلْفِ فُلُوكَ  
وَبَقَتْ شِرْكَةُ يَا مَا شَاءَ اللَّهُ  
وَسَرَقْنَا وَأَخَذْنَا فِي دُوكَ  
وَبَدَأَ شَكُّشُوكَ يَلْمُ فُلُوسَ  
مَلَايِينَ فِي خَزَائِنِ مَسْكُوكَ  
وَمَرَاكِبُهُ رَايِحَةٌ وَجَايَةُ كَمَانِ  
يَا سَلَامَ سَلَمٍ عَلَيَّ شَكُّشُوكَ  
وَفِي نُوبَةٍ مِنَ الْإَيَّامِ يَا وَلَادَ  
وَفِي وَسْطِ الْمَوْجَةِ الْمَهْلُوكَ  
جَرِيَتْ رُكَّاهَا يَمِينُ وَشِمَالُ  
وَلَقِينَا الْمَرْكَبَ مَرْبُوكَ  
بَدَأَتْ تَغْرُقُ وَمَعَاهَا النَّاسُ  
الْوَادِ شَحَّاتِ وَالْوَادِ سُوكَ  
غَرَقُوا وَبَقُوا فَاكِهَةً لِلْأَسْمَاكِ  
وَبَقَتْ أَحْجَادُهُمْ مَفْرُوكَ

أول ما وصلهم خبر الموت  
خَد ديلُهُ في سنَّاهُ شَكْشُوكَة  
لابوليس لانيابة ولا دياولو  
وصبحنا حقوقنا متروكة  
فضيحتنا بقت علي كل لسان  
وبقينا للعالم أضحوكة





## يَوْمِيَّاتٌ عَسْكَرِيَّةٌ أَمْنٌ مَرْكَزِيٌّ

واقف مزفهر في الزحام  
جَنَاتِ الأوامر صَمَتَ تَامَ  
ولقينا كاميرات جَتَ تَصَوَّرَ  
والمطيرة نزلت في المَكَانِ  
ملايين كثير ما عرفش كَامَ  
وقمّاش كثير مَكْتُوبَ عَلَيْهِ  
ويا فطة ثانية تقول كَفَايَةَ  
وناس تطالب بالدُستور  
وسألنا قائدنا اهُمَامَ  
قالولنا أعداء البَسَلْدِ  
وجات الإشارة بالهُجُومِ  
واقفين بنضرب والسلام  
ولمحت صاحبي هناك هشَامَ  
إزاي من الأعداء هشَامَ  
ده المصريين دُول ناس غَلَابَةِ  
والسلطة برضو عليها جَمَلِ  
والعصر بدأ الجو يَهْدَا  
ومشينا إحنا كَمَانِ وَقُلْنَا ١٧  
قائم بواجبي تَمَامَ تَمَامَ  
قلنا تَمَامَ من غير كَلَامِ  
ناس م الصّحافسة والإعلام  
ولطشني ببرد ودور زُكَامِ  
والسوف بتهتف في الأَمَامِ  
مالناش نصير غير الإسلامِ  
وناس بتهتف بالأعْلامِ  
عايزين وطن عَالِي المَقَامِ  
ليه المظاهرة يا هُمَامِ  
عايزين يخلّوها حِطَامِ  
وهجمنا برضو بصمت تَامِ  
ده بالعصايا وده بحِزامِ  
وهناك فقتدت الإثْرَانِ  
فين المحبّة والوَنَامِ  
وكُلّه كُلّه ولاد عِمَامِ  
كبير وأعْبَانَهَا جِسَامِ  
وكُل الناس مشيوف سَلَامِ  
خَلَاصَ خَلَاصَ خِلَصَ الكَلَامِ



## بلكونات بريطانيا العظمى

من سنين في حوارى لندن  
جوّة دولة الإنجليز  
شيّدوا (بيج بن) طبعاً  
شكّلها قطعاً لذيذ  
والمباني والعمائر  
اللى عاملة مربعات  
واللى على أشكال دوائر  
شايلة فيها كثير حاجات  
ف العمارة الإنجليزي  
أحلي حاجة البلكونات  
واضحة طبعاً يا عزيزي  
بدون غموض وتساؤلات  
في البارنطة الإنجليزي  
نسمة الرّيح العليلة

والورود اللندنية  
تملي ميت مليون خميعة  
مما خلّي شخصيات  
م الكبار والفنانين  
يشترّوا في حوارى لندن  
بلكونات ... والقصد فين ؟...  
والأكادة يا عم (جون)  
كلّها طلعت بدون  
سور طويل يحمي الزبون  
م الوقوع والموت جماعة  
حبة وسمعنا الإذاعة  
هنا لندن !!!..  
عم (ليثي) ... مدام (سعاد)  
حذفوا روحهم في المهالك  
برضو نط بدون معاد  
الزبون (مروان) كذلك  
حبة ولقينا الفضايح  
جّت ترف علي المطار

الصناديق والصفائح  
شائلة م الأشخاص كُتار  
جَت تقارير النيابة  
والحكومة المسئولين  
حددت لنا الإجابة  
بانتحار المذكورين  
واضح ان الإنهار  
بالتراث الإنجليزي  
كان نتيجه الانتحار  
م التراس والأمر (إيزي)  
قوم سألت سؤال إيضاحي  
لو يكونلي عيش في لندن  
البلد أو في الضواحي  
هل يكونله بلكونات ...؟؟  
والإجابة هاتقي (نو)  
إحنا مش تلاميذ ياهووو  
نُص شعب مصر مات  
من شبابيك علي بلكونات

عند بلد الإنجليز  
إلحقونات أوام (بليز)  
أصل منظر مش لذيد  
إن مصري ضيف عزيز  
راح شهيد البلكونات  
كُبة تأخذ الانجليز

## أوكازيون الخصخصة

تُعلن مصر المحروسة  
لجميع البني آدمين  
الموكوس والموكوسة  
بهوات أو خدامين  
ف المعتقلات محبوسة  
كُتاب أو صحفيين  
أو بالعفاريت ملبوسة  
صُبيان ومعلمين  
إتجاهاتهم معكوسة  
وحكومة ومحكومين

\*\*\*

هانبيع كُل الحاجات  
في مزاد مالهوش مثيل  
النيل والأهرامات  
وغيطان أشجار نخيل

وزباين م الخواجات  
واللي هايدفع يشيل  
عندنا من غير ضمانات  
ده البيع مالوش بديل

\*\*\*

والسد العالي كمان  
معروض لجل الحبايب  
والبيع قبل الاوان  
للأغراب والقرايب  
ده زمان مالوش أمان  
والمولد صاحبه غايب

\*\*\*

وقناطرنا الخيرية  
تاخدوها كمان ع البيعة  
والخصومات الفورية  
مستنية الدفيعه  
والدفع أكيد نقدية  
بشيكات أو بالوديعة



وبـ (يورو) أو (دولار)

حتى الكنال هانييها

ده المشترين كُتار

وعنيهم علي منافعها

والواحد بقي محتار

وفين هانودي ريعها ؟..

\*\*\*

وسينا ف عرض مُغري

زباينها معروفين

والبيع واضح ودوغري

بالتقسيط المتين

ولا تدفع فائدة شهري

لاضرايب ولا تأمين

\*\*\*

يعلن شعب المحروسة

وجميع البني آدمين

كل الصفقات مفقوسة

والفايز مسئولين

حتى القوانين منصوصة  
للحايين والأمين  
وسماسرة كمان مخصوصة  
للبيع والباعين  
وبلدنا بقت مفروسة  
والعيشة هاتبقى طين  
مصر اتباعت والكوسة  
تعبتنا يا غلبانين  
في ربوع مصر المحروسة  
هانلاقي الصير فين ؟..

\*\*\*

## الفهلوة

مَخَالِيقُ غَلَابَةِ طَالَعَةِ تَسْعَى فِي الْبُكُورِ  
لَفَحَتْهَا شَمْسٌ وَاحِدَةٌ وَالْوَجْهَ اكْتَوَى  
وَقَرِيتَ وَشَوْشَهُمْ يَمُكِّنُ الْقِيَّ السَّرَّ فِيهَا  
وَلَقِيتَ جِبَاهَهُمْ لَيْهَا نَفْسُ الْمُحْتَوَى  
وَطَرِيقَهَا صَعَبٌ وَكُلُّ حِجَّةٍ حَارَةٌ سَدٌ  
لَكِنْ إِيْدَهُمْ فِي الْإِيْدَيْنِ مَاشِيْنَ سَوَا  
وَصَحَارِيْ صَفْرَا وَالْغِيْطَانِ شَاقَّةٌ بِخَضَارِ  
وَالْجِدْرِ مِنْ عَرَقِ الْفَقِيْرِ أَصْلُهُ ارْتَوَى  
وَالرِّيْحُ تَصَفَّرُ تِيْجِيْ تَكْنَسُ كُلُّ حَيٍّ  
تَسْمَعُ خِلَالَهَا فِ كُلِّ لَحْظَةٍ دِيْبٌ عَوَا  
دَوْلُ شَيَاطِيْنِ الشَّرِّ طَالَعِيْنَ مِ الْجُحُوْرِ  
مَاشِيَّةٌ فِي طَرِيقِهَا بِسَ مَاشِيَّةٌ بِلَوْلَةٍ  
وَالْمَكْرُ طَالِلٌ مِ الْعِيُوْنِ الدَّيْلَانِيْنَ  
مَلَوْ الْإِيْدَيْنِ وَالشَّرَّ طَايِرٌ فِي الْهُوَا  
تَسْأَلُ عَلَيْهِمْ تَلْقَى شَيْلَةً نَصَايِيْنَ

منهج حياتهم مُختصر في الفهلوة  
حرامية تسرق م العيون ميت الف عين  
الكحل يمكن تبقي نفس المستوي  
وحلنجي له الوان في وشه قول ميتين  
والبهلوان تجري في دمه البهلوة  
ضاع الوفا والدنيا صبحت فرقتين  
حفنة كلاب شغلتها اصلاً هوهوة  
وملايكة عودها كالوتد ثابت تشوفه  
في الطين لكنه م الجفاف ساقه النوي  
عجبي علي دنيا تساع كل القلوب  
اللي إرتضي .. واللي بزُخرفها إغتوي

## الإحباط القومي العام

ملحمة نصف قرن ومآسي شعب

مُنْذُ حَوَالِي السِّتِّينَ عَامَ  
كُنَّا فِ عَصْرِ إِسْمِهِ الْمَلَكِيَّةِ  
وَجَوَارِي وَكَمَانِ خُذَّامِ  
طَرَايِشِ بَشَوَاتِ وَأَفَنْدِيَّةِ  
وَعِشَانِ تَبْقِي الْحِسْبَةِ تَمَامِ  
جَابُوا حُكُومَاتِ إِيْتِلَافِيَّةِ  
وَالْمَنْدُوبِ السَّامِي كَمَانِ  
كَانَ يِيشارِكُ فِ الْعَمَلِيَّةِ  
وَعِشَانِ حُرِّيَّةِ أَوْطَانِ  
ظَهَرَتْ تَنْظِيمَاتِ سَرِّيَّةِ  
وَإِغْتِيَالَاتِ وَحُرُوبِ وَصَدَامِ  
وَالشَّخْصِيَّاتِ الْمَنْفِيَّةِ  
وَصَبَّحَ كُلُّ الشَّعْبِ أَمَامِ  
الإحباط القومي العام

\*\*\*

وجَنَاب الصَّاع والبكاشي  
وف عزبة ناظر أنفار  
إقطاع ومزارع ومواشي  
تصدير أقطان بالقنطار  
وبلدنا اللّي ماينوهاشي  
إلا الجوع والموت والنار  
الكراييج والحكم الفاشي  
والدم السائل أنفار  
وبقينا نعيش بالأوهام  
ف الإحباط القومي العام

\*\*\*

وفلوجة ف قلب فلسطين  
وعساكر بتموت روحها  
وغلاية بتموت ف الطين  
والسُّحرة أهى بانت ملامحها  
وغناوي الشعب المسكين  
يمكن تقدر تشفي جروحها  
وصبح كل أملها دفين

ولا تقدر توصل لطموحها  
وصبحنا ف حُكم الأُغنام  
م الإحباط القومي العام

\*\*\*

قامت ثورة بحبة عسكر  
قالوا هانقضي علي الإقطاع  
وهانبني وكمان هانوفر  
ونحسن كُل الأوضاع  
ولا يقدر في بلدنا يفكر  
أيها نطع من الأنطاع  
ولا ندل هايقدر يتنكر  
ولا تاني وطننا هاتباع  
وننجلي الشعب المقدام  
م الإحباط القومي العام

\*\*\*

وإشراكية وحكم الفرد  
وأغاني بالروح والدم  
والفلاح بقي يملك أرض

قلنا خلاص راح ننسي الهَم  
بنك التسليف يديك قرض  
وتسدده بالرَّاحة ياعم  
ومصانع بالطول والعرض  
أصوات مدح وأصوات ذم  
وماينهم هاييجلنا جنان  
م الإحباط القومي العام

\*\*\*

وقالولنا نأمم مواردنا  
جلل نشيد سد النيل  
والعدوان راح شق حدودنا  
جلل ما نخضع للتمويل  
لولا البورسعيدية حدودنا  
كُنَّا بقينا في هَم ثقيل  
قلنا إيديكو هاتوها ف إيدينا  
بس نلاقي حَل بديل  
دي عينا بقت مش بتنام  
م الإحباط القومي العام



قالوا يا أهلاً بالمعارك  
ده احنا جُيوشنا تشق الصَّعب  
رددنا الأغنيَّة كذلك  
أنشودة وحكاية شَّعب  
لو معركة مع عدو نشارك  
في قلوبهم راح نلقي الرعب  
وإتنكست مصر الأهرام  
فوق إحباطها القومي العام

\*\*\*

وإتغير حاكم دولتنا  
وهاناخذ خطوة لقدام  
ومراكز قوة بتبعدنا  
عن أصل الصورة التَّعبان  
مع ثورة تصحيح خلتنا  
نعرف كواليس الحكام  
وإنفتحت ع البحري بيوتنا  
والحرامية بقت أعيان  
وعرفنا أسرار وكستنا  
والإحباط القومي العام

وسلاح مستورد هايجيله  
سنة الحسم خلاص أهى حانت  
هايجارب وهاينقد جيله  
وكرامة شعبه اللي اتهانت  
والأصوات فضّلت تناديله  
دي بشاير معركتك بانّت  
أعبر خلصنا يا همام  
م الإحباط القومي العام

\*\*\*

وحاربنا من أجل سلام  
لجل ما ترجع لينا الأرض  
وصبحنا بنحكي لقدام  
عن معركة وينسرد سرد  
وبقينا ليهم خدام  
وإتفاقية ما تحفظ عرض  
وبدأنا ف شغل الافلام  
بالإحباط القومي العام

\*\*\*

حفلة وضرب رصاص ومنصة  
تشهد علي غدر الأجيال  
يللا يابلد إحكيلنا القصة  
طول عمرك شايقة الأهوال  
وخيانة وبشاعة وخسة  
وروايح فايحة وأندال  
وبنحلم خطوة لقدام  
ف الإحباط القومي العام

\*\*\*

وبدأنا ف عهد الإصلاح  
حكم حديد وسعيدة مبارك  
والشعب ما بطل إلحاح  
علشان نبنيها وننتشارك  
وبقي شعارنا جهاد وكفاح  
وصبح ليلك زي همارك  
وغلابة من غير أفراح  
مقهورة وحزينة كذلك  
وبقينا بنقطع أرحام  
م الإحباط القومي العام

آدي القصصه يا شعب غلابه  
م الملكيه لحد الآن  
دي حكاية حملان وديابة  
سنوات غرقت في الأحزان  
وإزدادت في حياتنا كآبة  
ولا فاضل أمن ولا أمان  
لازم نصحي نفص الغابة  
وتزهزه بعد الأحزان  
ونخلص أرواحنا أوام  
م الإحباط القومي العام

\*\*\*

## صَبَحْنَا وَصَبَحَ الْمَلِكُ اللَّهُ

صَبَحْنَا وَصَبَحَ الْمَلِكُ اللَّهُ  
رَدَّهَا مُرْسِي وَعَمَ حَنْفِي وَإِسْمَاعِينَ  
نَاسَ طَالَعَةِ تَشْقِي لَجَلِ تَفَضَّلَ فِي الْحَيَاةِ  
وَالْفَجْرِ شَأْشَأَ وَالْإِيدِينَ مَاسِكَةَ الْإِيدِينَ  
مَخَالِيقَ لَا قَاصِدَةَ الْمَالِ وَلَا فِي دِمَاغِهَا جَاهُ  
وَفِ بَرْدِ طُوبَى كُلِّهِمْ مُتَجَمِّعِينَ  
عَلَى صَحْنِ فَوَلٍ يَرْسُمُهُ ضِحْكَةُ عَالِشَفَاهُ  
حَامِدٍ وَشَاكِرٍ فَضْلَ رَبِّ الْمَظْلُومِينَ  
دَائِرٍ فِي سَاقِيَةِ هُمُومٍ تَمَلِّي مَغْرَقَاهُ  
بِتَجَاعِيدِ سَنِينَ تَلْمَحُ عِدْدَهَا عِ الْجَبِينِ  
مَعَ كُلِّ رُكْعَةٍ وَكُلِّ سَجْدَةٍ فِي الصَّلَاةِ  
يَرْفَعُ إِيْدِيَهُ وَيَقُولُ لَهُ عَيْنًا يَا مُعِينِ  
رَجَعَ جَمِيعٍ مِنْ عَنِ سَبِيلِ الْحَقِّ تَاهُ  
وَأَرْفَعُ عَذَابَكَ عَنْ جَمِيعِ التَّعْبَانِينَ

صبحنا وصبح الملك لله  
رَدَّهَا مُرْسِي وَعَم حَنْفِي وَإِسْمَاعِينَ  
\*\*\*\*\*

الإستقلال التام أو

الموت الزؤام

عن أمريكا الكبيرة ونظامها الديمقراطي  
عن كل عربي سايب حقه ولسة مظاطي  
عن خطة صهيونية كبرت مع الأيام  
الإستقلال التام أو الموت الزؤام

عن حراس العروبة الخافين علي الكراسي  
عن أي بلد منتهوبة بتعيش ف حكم قاسي  
عن أي شعب عربي عاني من الإحرام  
الإستقلال التام أو الموت الزؤام

عن حصار إقتصادي يقصد التجويع  
عن حرب باردة هدفها إن الحقوق تضيع  
عن رملة ندفين فيها روسا زي النعام  
الاستقلال التام او الموت الزؤام

عَنْ فِتْنَةِ طَائِفِيَّةٍ نَالَتْ مِنْ الْعُرُوبَةِ  
عَ الْقَوَانِينِ الْعُرْفِيَّةِ قَتَلْتَنَا الْفُتُوبَةَ  
عَنْ إِسْتِقْرَارِ مُزَيِّفِ بَنَشُوفِهِ فِي الْأَحْلَامِ  
الْإِسْتِقْلَالَ التَّامَ أَوْ الْمَوْتَ الزَّوَامَ

عَنْ كُلِّ فَيْتُو ظَالِمٍ لِابْنِكَ يَا فِلَسْطِينَ  
عَنْ كُلِّ حِجَّةٍ فِي غَزَاةٍ مَنْصُوبَةٍ فِيهَا كَمِينَ  
عَنْ كُلِّ خَائِنٍ بِاعٍ لَكَ لِأَعْدَائِنَا اللَّئَامِ  
الْإِسْتِقْلَالَ التَّامَ أَوْ الْمَوْتَ الزَّوَامَ

عَنْ قُدْسٍ عِنْدِي غَالِيٍّ وَلِلْأُنْدَالِ إِتْبَاعِ  
عَنْ نَاسٍ كَثِيرَةٍ سَاكِتَةٍ زَهَقَتْ مِنَ الْأَوْضَاعِ  
عَنْ كُلِّ ظَلَمٍ يَنْ يَنْ يَلْزِمُهُ الْإِنْتِقَامُ  
الْإِسْتِقْلَالَ التَّامَ أَوْ الْمَوْتَ الزَّوَامَ

عَنْ الْمُوَامِرَةِ الْعَامِضَةِ فِي جَنُوبِكَ يَا لُبْنَانَ  
عَنْ الْحَشُودِ الرَّابِضَةِ فَوْقَ هَضْبَةِ الْجَوْلَانِ  
عَنْ الرِّصَاصَةِ الْقَاصِدَةِ لَوْحِدَةِ السُّودَانِ  
الْإِسْتِقْلَالَ التَّامَ أَوْ الْمَوْتَ الزَّوَامَ



عن كُلِّ حُتَّةٍ عَايِمَةٍ فِي دِجْلَةٍ وَالْفُـسْرَاتِ  
عَنْ كُلِّ يَدٍ خَائِنَةٍ بِتَسْرُودِ الْأَمْوَاتِ  
عَنْ أَيِّ حَدٍّ يَضْرِبُ فِي عَقِيدَةِ الْإِسْلَامِ  
الْإِسْتِقْلَالَ التَّامَ أَوْ الْمَوْتَ الزَّوَامَ

الْأَسْتِقْلَالَ التَّامَ أَوْ الْمَوْتَ الزَّوَامَ



## قَارئةُ الجُورنالُ

صحيّت من نومها من النّجمة  
زي ماهي دائماً تصحي من النوم  
لبست في عينيها النضّارة  
علشان تقرا جورنال اليوم  
قرّت العنوان وراحت واقعة  
أغمي عليها  
بعد مافاقت بدأت تقرا  
عن دستورنا اللّي صبح مرحوم  
لا اشتراكية هانشوف تاي  
في محور الرأسمالية نعيم  
قلبت صفحتها لعل تشوف  
أخبار تسعدها وتشفي هموم  
ولقت أنباء عن عبّارة  
غرفت لحل قدرها المحتوم  
بقت الألوفات أموات أموات

بعد ما تعبوا بهدلة م العوم  
وقرايب ضحاياها الأبرار  
بدأت تُلَطَّم وتَشُق هُدوم  
لا طوارئ ولا أمن وإنقاذ  
وبانت مصرنا قلبها مكلوم  
ضاعت معالمها وما عرفناش  
مين الخادم ومين المخدوم  
بدأت تبكي علي حرّية  
علي حق وطن أصبح مهزوم  
قلبت صَفْحَة وَقَلْبِت صفحات  
يمكن تلاقيها نَبَأ مفهوم  
ولقت أموات

في بلدنا يوماتي بيروحوا بالكوم  
حادثة في طريق وضحايا كثير  
وشباب أجسامها بتشغي سموم  
وجرائم قتل وسرقة ونصب  
بتزيد في بلدنا يوم عن يوم  
وسجون مليانة وتحقيقات

وقضايا فساد ووطن موصوم

وصحافة وحبس الصحفيين

ومن الحرية صبح محروم

فضلت تتصفح في الجورنال

يمين وشمال

والصورة سواد ويا عيب الشوم

حلفت من يومها ما تقرا كلام

في صحيفة ولا في نظام هاتلوم

أصل بلدنا وصلت لطريق

مسدود في نهايته منين مايكون

واتمنت إن العُمة تزول

ونشوف محروسة تصول ونجول

وساعتها أكيد ممكن ترجع

تقرا الجورنال من غير ماتخاف

من أي كلام ماله أي لزوم

\*\*\*\*\*



## هتّيف في الإنتخابات

حسّان هتّيف في الانتخابات  
ما هو أصله في الهتافات قنّان  
يهتف لأكابر البرلمانات  
ويفتّت أصوات بالمجان  
يقدر يتحكّم في الأزمان  
ويسقط فيها أي جبان  
أجرئه أحياناً بالدولارات  
لحبّايه تكون علبه دُخان  
وزبائنه بجميع المقاسات  
ده مُعارضه ووطّني وده إخوان  
وف نظره طبعي الناس مقامات  
وعينه بتشوف الدنيا لجان  
يحضّر حسّان كل العزومات  
لو يشبع يطلع يلقى بيان

تلقاه في جَرَائِدِ ومَجَلَّاتِ  
تَصَاوِيرُهُ هُنَاكَ أَشْكَالُ وَأَلْوَانُ  
ولِسَانُهُ بَيْرُطُنُ كُلِّ لُغَاتِ  
لَوْ يَحْضُرُ تَلْقَى الدُّنْيَا طُوفَانُ  
لَا يَهْمُهُ لَا عَسْكَرٌ وَلَا حُكُومَاتِ  
لِسِيَّاسَةِ الدُّنْيَا أَكِيدُ فَهْمَانِ  
مَالِكٌ فِي إِيْدِهِ كُلِّ الْأَدَوَاتِ  
وَالدُّنْيَا فِي إِيْدِهِ زَيِّ مِيزَانِ  
وَيَحِبُّ غَلَابَةَ بِالْأُلُوفَاتِ  
حَتَّى وَإِنْ كَانَ صَدَمَانُ عَدَمَانِ  
دَهْ رُجُولَةٌ وَيَعْمَلُ إِنْقِلَابَاتِ  
وَلَا مَا يَحْبِشُ شُغْلُ النِّسْوَانِ  
وَمُسَاعَدِينَهُ فِي كُلِّ إِنْجَاهَاتِ  
أَكْثَرُ مِنْ مِئَةٍ مِنَ الْأَعْوَانِ  
وَلِذَلِكَ تَلْقَى الْإِنْتِخَابَاتِ  
مَا هَيْشُ إِنْتِخَابَاتٍ مِنْ غَيْرِ حَسَّانِ

\*\*\*\*\*



## وْظِيْفَة مِيرِي

خَلَّصْتَ جَامِعَة وَقُلْتَ أَهْيَ فُرِجَتْ  
هَاشُوْفَلِي شُعْلَانَة وَارَوْش  
نَصَحْتَنِي أُمِّي بَوْظِيْفَة مِيرِي  
وَقَالْتَلِي يَا بُنِي أَهْوْ نَحْوْش  
وَلَا فِي لَا مِيرِي وَلَا دَيَاوُلُو  
شَبَحَ الْبَطَالَة أَهْوْ مَكْوْش  
لَفَيْتْ شَوَارِعْ شَرْقْ وَغَرْبْ  
لَحَدَ مَا بَدَأَتْ الْوُشْ  
يَا نَاسْ خَلَاصْ هَاجِيْلِي جَنَّانْ  
وَهَارِبِي دَقْنِي وَهَاتْدَرَوْشْ  
لَكِنْ بَقِي مِنْ حَطِّي النَّارْ  
جَائِلِي الْوُظِيْفَة بِدُونِ مَا اخْتَارْ  
لَا كَلَامْ أَوْثَطَة وَلَا بَهْوْشْ  
وَجْهْ أَخِيرًا يَوْمَ الْقَبْضْ

وَقُلْتُ أَهْيَ الدُّنْيَا ابْتَسَمْتَلِي  
هَاضِرُجْ مَعَ الْجَوِّ وَاطْنَشْ  
كُلَّ الْحِكَايَةِ كَامَ مَلْطُوشْ  
لَا يَكْفُو جَوَّ وَلَا مَا جَوَّشْ  
وَقُلْتُ إِمِّي هَاقُولْ يَا جَوَّازْ ؟..  
دَه لَازِمْلَه شَقَّةٌ غَيْرِ الْبُوتَاجَازْ  
أَنَا مَحْيَى بَقِي كُلُّهُ مَشْوَشْ

\*\*\*\*

## الهيمنة

كان يا مكان  
كان في زمان م الأزمنة  
كانت مراكب رايحة جاية في المحيط  
شايلة التجارة والأمور متحسنة  
كانت أوروبا ساعتها عال  
أرزاقها ياما وكل حاجة ممكنة  
وتقدمت ودخلها شغل الميكنة  
وف ليلة ركبوا البحر والموج شدهم  
ناحية أراضي هناك بعيدة  
واتاربيها ارض تانية بس مش هنا  
صبحت في غمضة عين بلاد الامريكان  
وبقت ما بين دول الجوار متمكنة  
ركبت علي كل البلاد بالفتونة  
رسمت خططها والاساس في العولمة

وديمقراطية وليبرالية ملزمة  
وصبح قانونها يسري ع الجميع  
كل الصغار والدنيا صبحت محزنة  
بدأت تبان ايضا سياسة الهيمنة  
لكن الصغار حلفت ماتسكت  
قالت ترد عليها ضربة مؤلمة  
ضربوها جوز مباني صبحوا كوم تراب  
جنت جنان جنونها وحلفت للجميع  
لازم يدوقوا من كيغاتهم مر وعكننة  
وادي العوبانها بوش سليل الحمشة  
داير علي بلاد العرب يتسلي بيهم  
دار بعد دار بشغل الملعة  
عين وزيرة لعل تصبح ليه سند  
لجميع افكار شيطانه صبحت ملهمة  
حرمة اروبة اسمها كونداليزا  
متودكة ع النصب يس بنسونة  
شعنونة أمريكانية غاوية الشعننة  
وادي شرق أوسط شم ريحة الانهيار

رسموله خية تمام بخطه معلنة  
وعروبة ضايعة في وسط زحمة الانفجار  
دايقة من الويل الطويل وجو القرصنة  
ونخر كيانها السوس وزود الانحدار  
وشبابها جمعا ملهين بالروشة والبرشة  
قاعدين نستني يطلع نور نهار  
نلمح بصيص للضوء وننصب محكمة  
ونزيل ديول الفهر وقت الاحتضار  
تزل عدالة رب واحد م السما

\*\*\*\*\*



## مَأْذُونُ عُرْفِي

قَرَّبُوا يَا شَبَابَ قَرَّبُوا يَا بَنَاتِ  
مَأْذُونُ عُرْفِي فِي كُلِّ الْجَامِعَاتِ  
فِي الْيَوْمِ بِيَحْوِزِ مِئَةِ مِيتِينَ  
وَجَوَازَتِهِ رَخِيصَةً بِحَوِزِ جَنَنَاتِ  
مَنْ غَيْرِ لَا شَهُودَ وَلَا كُتْرَ كَلَامِ  
مَبْرُوكٍ وَتَعِيشُوا تَبَاتَ وَنَبَاتِ  
وَرَا شَجَرَ الْجَامِعَةِ وَعِ الْكُورْنِيشِ  
أُورَاقُ عُرْفِي بِكُلِّ الْمَقَاسَاتِ  
وَالْعِيشَةِ جَمِيلَةٍ وَمَنْعِ الْحَمْلِ  
مَوْجُودِ فِي جَمِيعِ الْأَجْزَاخَانَاتِ  
وَمَادَامِ فِي جَوَازِ يَلْزَمُهُ طَلَاقِ  
جَاهِزِ مَأْذُونِنَا لِكُلِّ حَالَاتِ  
وَالشَّاطِرُ هُوَ الَّذِي مَا يَنْدَمُ  
عَلَيَّ غَلَطُهُ فِي وَقْتِ مِنَ الْأَوْقَاتِ





## إنتحار العواطفية

أكد مندوب الخارجية  
في برنامج إذاعي  
صحة أنبائنا المقيمة  
عن إنتحار جماعي  
شلة شبان وعواطفية  
رموا روحهم من غير داعي  
في بحور الموت الإيطالية  
وماحدث كان مراعي

ومن السلطات هناك  
جانا التقرير مرفوع  
ف البحر قول ٢٠٠  
هو أساس الموضوع  
لقبوهم غرقانين  
وميتين م الجوع

ووصولهم من يومين  
غير شرعي وده ممنوع

والطَّب الشرعي يثبت  
ويشرح جسمُهم  
لقي إرتفاع في نسبة  
بطالة ف دمهم  
وظروف تملّي تحبط  
وتضيق حلمُهم  
وقلوب أهالي تعبت  
وبكيت علي حقهم

ومفتي وصحفيين  
سابوا أسباب الحكاية  
شهداء أو طماعين  
صحت هي الرواية  
طب قولوا هانشكي مين ؟..  
مين ضدي ومين معايا ؟..

وحقوق شبابنا فين ؟..  
وحقوق كل الرعايا

ورغم كُل ده  
لسة العيال بتهرب  
وكُل الأفتدة  
ع الميتين بتندب  
وبيان متسددة  
بيانات ووعود بتكذب  
ف الفقر مخلدة  
وأقلام كتير بتكتب

وف نهاية البيان  
عقب مندوب الخارجية  
ان انعدام الأمان  
ده نهايته السكتة القلبية  
وان هروب الشبان  
كان اصله فروق اجتماعية

بين فقرا وبين اعيان  
والتمن أهو دفعه عواطفية

## خَطُّ الْفَقْرِ

شُفْتُ خَطُوطَ أَشْكَالِ وَالْوَانِ  
بَسَ مَا شُفْتُشْ خَطَّ الْفَقْرِ  
نُصَّ الشَّعْبَ لَقِيْتَهُ جَعَانَ  
وَبَقِيْتَهُ يَبْشِكِي مِ الْقَهْرِ  
وَفَسَادِ فِ بِيوتِ الْأَعْيَانِ  
وَحَرَامِي عَنْهُ زِي الصَّقْرِ  
وَمَرَّتْ شَحَاتُ غَلْبَانِ  
يَخْلُصُ يَوْمَ إِتْنَيْنِ فِي الشَّهْرِ  
وَشِبَابِ عَاطِلِ فَقْرِي كِمَانِ  
نَفْسُهُ يَحْوُشُ تَمَنَ الْمَهْرِ  
نَفْسُهُ يَحْسُ فِ بِلْدِهِ أَمَانِ  
وَلَا تَحْوَجُهُ وَلَا غَرْبُهُ وَهَجْرُ  
وَيَوْمَاتِي حُكُومَةِ بَيَانِ  
شَعْبِي حَبِيْبِي يُأْمُرُ أَمْرُ

نتبرع لبلدنا عشان  
نبي لكل مواطن قبر  
ف بلدنا أحراش وغيلان  
تمنع حتي طلوع الفجر  
وبتنشب ف قلوبنا نيران  
ولا قادرين علي حتي الصبر  
وعشان نعدل أي ميزان  
ماتكفينا سنين الدهر  
إمتي نحن علينا زمان  
لحل ما نُعبر خط الفقر..؟

## جيفارا .. آتْ

مع خالص التحية والتقدير لأستاذي  
الشاعر الكبير احمد فؤاد نجم

يا ثورة ضايعة ومعني باهت  
ومقاومة واقفة ف نُص ميل  
يا صَحوة وسط الزحمة تاهت  
مش لاقية سكة أو دليل  
يا عيون ف عز الضلمة شافت  
القهر بات والليل ذليل  
أشعار قديمة ف عقلي طافت  
من نظم شاعرنا الجميل  
بينعي ناس وتاريخها لافت  
بيقول ”جيفارا مات“ قتيل  
كانت كنوز لمعارفي ضافت  
جلاد جيفارا مات ذليل  
وجلادين من بعده خافت  
ده الظلم أصله بألف ديل  
نزرع في شر بأصل ثابت

يطرح عذاب جيل بعد جيل  
ده جواد جيفارا هامته عالية  
و مد ثوري عيار ثقيل  
ومعاه زناد البندقية  
فوق مدفعه مولع فتيل  
ومات جيفارا !!!..  
وقالوا يومها .. "جيفارا مات"  
مرت سنين !...  
شفت ثوار ف الشوارع  
وشفت أيضا ف الحارات  
شفت المقاومة .. وشفت ضلمة  
وشفت نور جاي من بعيد  
وأتاريه جيفارا !!!..  
جنسيته .. فارس مُقاوم  
وقضيته .. رفع المظالم  
وساعتها بس قدرت أقول  
جيفارا .. آت  
جيفارا .. آت .. جيفارا .. آت



## الوجه الآخر لصورة صلاح جاهين

مع الاعتذار للمبدع صلاح جاهين

صورة .. صورة .. صورة

كلنا مش غايزين صورة

صورة للشعب التعبان

تحت الراية المكسورة

\*\*\*

بعد ما صبحت دنيا طوفان

وبيوتنا قبور محفورة

وبقينا نسكت كل لسان

وف جوفنا قلوب مكسورة

واللي بيعد م الميدان

دلوقتي بيان في الصورة

صورة للشعب التعبان

تحت الراية المكسورة

\*\*\*

بعد ما كانت ميسورة زمان  
دلوقتي جيب معذورة  
كنا ف حُب وعطف وإحسان  
وبقينا غيلان مسعورة  
وصحافة يتشتم في الجرنان  
والافتراءات منشورة  
بعد ما كانت موزونة زمان  
صبحت مهزوزة الصورة  
صورة للشعب التعبان  
تحت الرؤية المكسورة

\*\*\*

كنا بنسمع أجراس وادان  
وبقت نصين مشطورة  
وصبحنا بنخلط في الأوزان  
وبقينا عقول مبتورة  
كانت خضرة وأزهار وعيدان  
وبقت جرداء محصورة

بعد ما كانت أنوار وأمان  
ظهر الإرهاب في الصورة  
صورة للشعب التعبان  
تحت الراية المكسورة

\*\*\*

صورة .. صورة .. صورة  
نفسنا والله نشوف صورة  
صورة للشعب التعبان  
من غير أصوات مخشورة  
ترجع لنا ضحكنا كمان  
وتزهه لنا الصورة  
بديماء وسواعد الشبان  
ترجع الراية المنصورة

\*\*\*

صورة .. صورة .. صورة  
كلنا كدة عايزين صورة  
صورة للشعب الفرحان  
تحت الراية المنصورة



## وَيَا الْحَمَامَ

(١)

فِي الْفَجْرِ وَالشَّمْسِ الْحَمِيلَةَ فَمَهْدَهَا  
لَمَحَتْ عُيُونِي صَبِيَّةَ زَى بَدْرِ الْبَدُورِ  
بَيْنَ الْغَيْطَانِ كَانَتْ وَحِيدَةً لَكُنْهَا  
مُتَوَسِّسَةً وَمِسْتَأْنَسَةً بِصَوْتِ الطُّيُورِ  
وَيَا الْحَمَامَ وَالْخَيْرَ مُحَاوِطَ قَلْبِهَا  
لِيَهَا إِنْسَامَةً بِتَرْسِيمِ تَشْنِيفِي الصُّدُورِ  
يَوْهِيْلُهُ مِنْ نَبْعِ الْوَفَا وَمِنْ حُبِّهَا  
تَأْكُلُ مَعَاهُ وَتَأْكُلُهُ بِكُلِّ السُّرُورِ  
وَتَوْشُّوْشُهُ وَتَسْتَنْتِي رُدَّهُ لِأَهْلِهَا  
بِتَفْهَمَةٍ وَتَكَلِّمُهُ فِي كُلِّ الْأُمُورِ  
وَيَا الْغُرُوبَ تَلْمَحُهَا وَاحِدَةً فِي حُضْنِهَا  
أَجْمَلَ حَمَامَةٍ وَزَيْهَا زَى بِنْتِ حُورِ  
صَارَ الْحَمَامَ هُوَ غَرَامُهَا وَعِشْقُهَا

كَانَ لَهَا أَفْضَلُ مِنْ حَنَانِ فَارِسٍ جَسُورٍ  
كَانَتْ تَنَامُ وَيَا الْحَمَامَ فِي حُضْنِهَا  
تُشْعِرُ فِي أَعْمَاقِ قَلْبِهَا أَجْمَلَ شُعُورِ  
سَاعَةً تَكُونُ وَيَا طُيُورَهَا فِ عِشَّتِهَا  
بَأَمَانٍ تَحِسُ وَدِفْءٍ أَجْمَلَ مِ الْقُصُورِ

(٢)

فَاتَتْ سِنِينَ وَلَقِيَتْهَا قَاعِدَةٌ لَوْحَدَهَا  
مِنْ غَيْرِ حَمَامٍ  
مِنْ غَيْرِ حَنَانٍ  
مِنْ غَيْرِ طُيُورٍ  
وَسَأَلَتْهَا ... !!  
وَحِيدَةً لِيهِ فِي حَزْنِهَا ؟..  
قَالَتْ لِي بَحْلَمَ مِنْ يُومِيهَا بِطِيرٍ يَزُورُ  
قَلْبِي وَتَرْجَعُ لِيَا بِسَمَةِ فَقَدَتْهَا  
يَوْمَ اللَّيَالِي مَا فَرَّقَتْ بَيْنَ قَلْبِي  
وَمَا بَيْنَ الطُّيُورِ

## الحلم المفقود

وَيَا حَبِيبِي أَنَا كُنْتُ بِأَحْلَم  
فَ حِضْنِ قَلْبِي كَانَ هُوَ دَائِمًا  
وَدَعْنِي صَمْتَهُ وَعُلُوَّ هَامَتِهِ  
كَانَ عَهْدُهُ حُبٌ وَعَقْلُهُ قَلْبٌ  
وَبَعْدَتْ لَحْلٌ مَا يَعْيسُ هَوَايَا  
وَعِشْتُ غَرْبَةً مَلْيَانَةً وَحْدَةً  
يَتَمَنِّي مَوْتَهُ وَفَارَقَنِي صَوْتُهُ  
فَ رُوحِي حُزْنٌ قَدِيمٌ وَجَرَحٌ  
فَاتَنِي فَ دُنْيَا كَبِيرَةٌ قَاسِيَةٌ  
حَاوَلْتُ أَرْجِعَ وَالْأَقْيَ رُوحِي  
هَمَسْتُ لِي نَفْسِي أَصِيرُ شَوِيحَةً  
وَرَجَعْتُ تَائِي لِدَاتِ مَكَائِي  
وَصَحِيتُ لِقَيْتِي بِرُوحِي بِأَحْلَم

يَكُونُ نُصَيِّي مِنْ غَيْرِ حُدُودٍ  
شَايِلُ فِ عَقْلِهِ كُلُّ الْوَعُودِ  
وَعَاهَدَنِي عَهْدٌ مِنْ غَيْرِ بُنُودِ  
وَعِطَّرَ وَرْدٌ فَوْقَ الْخُذُودِ  
وَتَرَكْتُ خَلْفِي قَلْبَهُ الْوَدُودِ  
وَأَتَارِيهَا هِيَ خِصْمِي اللَّذُودِ  
وَالنَّارُ فِي قَلْبِي زَيِّ الْبَارُودِ  
وَفِ عَقْلِي حَرْبٌ مِنْ غَيْرِ جُنُودِ  
وَحِيدٌ فِ سِيحْنٍ مِنْ غَيْرِ قُبُودِ  
مَا كُنْتُ أَجْرُؤُ إِنِّي أَعُودُ  
أَسْفُ يَا نَفْسِي صَعْبُ الصُّمُودِ  
لَقِيتُ غَرَامِي هُنَاكَ مَوْجُودِ  
وَهُوَ ذَا الْجِلْمِ الْمَفْقُودِ





## المِرايَة

كُلُّ ما أَصَحِّي الصُّبْحُ أَلاقي  
صُورِي قُدَّامَ المِرايَة  
قَلْتُ لِيه مَش لَاقِي نَفْسي  
لِيه مَعَايَا وَمَش مَعَايَا  
دِي المِرايَة شَايِلَة سَرِّي  
وَشَايِلَة عَنِّي مِيت رِوَايَة  
وَإِنْتِظَرْتِ الرَّدَّ يِجِي  
بَس مَش فَاهِم لُغَايَا  
وَإِنَّمْنِيت أَكِيد لَو أَفْهَم  
يِبقِي فَعَلَا يَوْم مُنَايَا  
ع السنين فِي المَاضِي بَنَدَم  
بَس نَدَمِي مَش كَفَايَة  
وَبَسْنِي لُبْكَرَة بَحْلَم  
إِحْلَم إِحْلَم .. مَش حِكَايَة

تقدر المرايات ترجع  
لحظة من لحظات صبايا ..؟  
ده في صبايا الحلم خادني  
والأحلام كانت هواية  
تقدر المرايات تعيدلي  
ماضي سائي وصار ورايا ..؟  
تقدر الأحلام تقرب  
ليا ارضي او سمايا ..؟  
بس برضو مش راح اياس  
حتى لو من غير مراية  
لازم أحلم وأفضل أحلم  
حلمي أصله مالوش نهاية

## حَبِيبُ الْعُمَرِ

أنا والغربة والبحر اللي ماله بَر  
في نار العشق.. بكائي وسقائي المُر  
صُرت كثير وما باقي في قلبي صَبِر  
عَشِقتُ كثير وما باقي في عُمري عُمَر  
وضاع أَملي وشُفت نجوم في عز الضُهر

وكان مع قلبي يُأمر أمر	وكان عِشقي وكان حُي
وكان في حَنانه زي النُهر	وكان يرويني من عَطْفُه
وكان مالي عليا الدهر	عِشقتُه وكان بدون عِنوان
عشان أرجع في حبي المهر	سافرت عشان يحبس أمان
سَبَقني إليه وضَمه القبر	رجعت إليه عشان أفديه
يَركني أدوق نيران الحجر	وسابني لوحدي في عَذابي
وقلت ياريتُه مني يَفِر	وصار جرحي ملازمي
وراح مني حبيب العُمر	وفات الحب مني وراح
وسابلي جراح وأكبر سِر	ومات الحِلْم جُوايا
وحزن كبير وجرح أَمسِر	بقالي عام ما بعرف أنام
وقلت ياريت يعود الفجر	وتاني مشيت ورُحت وجيت



## أَمَلْ بَكْرَة

وَشُفْتُ حَيَاةَ هُنَاكَ صَعْبَةً  
يَفُوقُ أَوْ يَصْحِي مِ الضَّرْبَةِ  
لَا ضَرْبَةَ سَيْفٍ وَلَا حَرْبَةَ  
وَسَبْتُ أَبْوَابَهُ مِتْوَارِبَةً  
وَأَشُوفُ طَيْفَهُ مَسْمُوعَ وَرْدَةٍ  
مِنَ الْأَشْوَاقِ تَكُونُ شَارِبَةً  
مَعَ نَسْمَةٍ رَبِيعَ شَارِدَةٍ  
عَلَيَّ قَلْبِي رَاحِجَتِ فَارِدَةٍ  
وَلَيْلِكَ مَوْجَتَهُ لِيهِ بَارِدَةٍ  
وَأَلَمِ الْوَحْدَةِ وَالْغُرْبَةِ  
وَعَقْلِكَ لِيهِ بَسْدُونَ فِكْرَةٍ  
عِشَانِ تَمْسُكُ أَمَلْ بُكْرَةٍ  
بِوَجْدَانِكَ تَعِيشُ سَكْرَةٍ  
عَلَيَّ قَلْبِكَ يَدُقُوا الْبَابَ  
دِي أَجْمَلِ دُنْيَا لِلْأَغْرَابِ  
بَعِيدٍ عَنِ وَحْدَةِ الْغُرْبَةِ

عَرَفْتُ الْوَحْدَةَ فِي الْغُرْبَةِ  
وَقَلْبِي فِ سَجْنِهِ مَشْ قَادِرِ  
دِي ضَرْبَةَ حُبِّ مَاتٍ وَإِهَارِ  
سَيَّهَرَتْ أَسْتَيْي يَجِي نَهَارِ  
عَسِي يَطْلُعُ نَسِيمَ أَزْهَارِ  
دِي وَرْدَةٍ غَيْرِ جَمِيعِ الْوَرْدِ  
لَحْتِ ضَبَابٍ وَمَكْسِي تِيَابِ  
شَعَرْتُ وَشُفْتُ أَوْرَاقَهَا  
قَالْتَلِي لِيهِ بَتَيْكِي نَهَارِ  
وَلِيهِ عَائِشَ عَلَيَّ الذِّكْرِي  
وَلِيهِ قَلْبِكَ بَسْدُونَ أَبْوَابِ  
يَارَيْتِكَ تَنْسِي مَاضِي غَابِ  
بِيَايِدِكَ تَأْخُذُ الْأَشْوَاقِ  
تَفُوقُ مِنْهَا عَلَيَّ الْأَحْبَابِ  
وَتَدْخُلُ دُنْيَا الْعِشَاقِ  
وَتَأْخُذُ مِنْهَا كَيْفَ تَشَاءُ



## الوردة

من عَصْرٍ ثَانِي قَابِلَتْ وَرْدَةً  
مَافْهِمَتَهَا شَوْفَهَا وَفَهْمَتَهَا  
طَائِرَةً بَعِيدَةً مَعَ نِسْمَةٍ شَارِدَةٍ  
وَحَاوَلَتْ اشْوَفَهَا وَأَقُولَهَا  
رِيحَةً غَيْرَهَا فِي مُوجَةٍ بَارِدَةٍ  
خَدِثْنِي وَيَا عِطْرَهَا  
مَدَّيْتُ إِيذِيَّ لِقِيَّتَهَا فَارْدَةً  
إِيذِيَّهَا لِيَا وَحُضْنَهَا  
فِي حَيَاتِي فَحَاةً لِقِيَّتَهَا طَارِدَةً  
أَوْهَامَ بَقْلِي كِرْهِتَهَا  
صَبَحْتُ مَعَايَا فِي كُلِّ بَلَدَةٍ  
بِرُوحِهَا وَلَا رُحْتَهَا  
وَأَتَارِيئِي كُنْتُ فِي صَحْرَا جَرْدَا  
وَمَا كُنْتُشْ أَعْرِفُ وَقْتَهَا

فَاتَتْ سِنِينَ بَعْدَ إِهْمَارِهَا  
وَالْوَرْدَ لَسَّةً فِ مَهْدِهَا  
لَوْ كُلُّ وَاحِدٍ فِي الزَّمَنِ دَه  
يَلَاقِي وَرْدَةً يَجِيَّهَا  
كَانَتْ حَيَاتُنَا هَاتِيكِي أَهْدِي  
وَكُلُّ شَيْءٍ كَانَ إِتْمَهِي



## وَطَنُ الْقُلُوبِ

بعد الغروب  
تترل شُموس النور  
ف البحر البعيد  
تغرق تدوب  
وتحل ضَلَمَةُ قُبُور  
وليل جديد  
والعتمة مش متزيّفة  
وطن منهوب  
فيه القلوب  
تنبض تقول نفس الحُرُوف  
فيها الذُنُوب  
تملي الحزائن والجيوب  
وكمآن إيدين متكثّفة  
مستأنفة  
بتسير ببطء السُلحفة

لكن يدوب  
تقدر تسير  
نفس الطريقة المقرفة !!..  
امتى النهار ؟  
ده انا من زمان في الانتظار  
لنهار جديد  
فيه القلوب  
من غير ذنوب  
فيه الإيدن تدي المزيد  
نلقاها مش مكتفة  
يرجع وطن  
بعد الغروب .. بعد المحن  
والقهر والظلم اختفي  
يصبح عمار  
فيه الثمار متحفة  
فيه الجمال  
فيه الوفا  
نفسى الإيدين

ترسم صور  
ترسم قمر  
ترسم وطن من غير خطر  
فيه البشر  
والبؤس والفقر إتنفي  
والغربة صعبة والحنين  
فيها السنين متوقفة  
بتسير ببطء حنين  
سرعتها أيضا سلحفة  
إمتي النفوس  
ترسم نهاية للدموع  
ونقيد شموع  
في أيدين حباينا الغياب  
أحلامنا فوق  
كل القلوب  
ولحلمها مستحلفة  
ها تحقه رغم الغروب وضلمته  
رغم الذنوب

ورغم خوفه وهو يقول كلمته  
جايز ساعتها يصير انيس  
ولقلبه تبقي مؤلفة  
دي حبيبة جواها الوطن  
ويّا السكن  
تلقاه وتاخذه ف حُضنها  
رغم المحن  
أحاسيس كثير متستفة  
مشاعرها أيضا من سنين  
متألّفة  
إحساسي بيقولي الزمان  
جايب أمان  
للي معاه مفاتيح قلوب  
خالية الذنوب  
فيها الحبيب هو النصيب  
فيها الوطن هو الحبيب  
فيها الغني في النفس  
مش في الجيب

ويا ريت سنين الغربة تجري  
اصل الحياه من غير حبيب  
متوقفة  
لاء سلحفة  
مستأنفة  
متوقفة  
ما بقيتش أميز  
الخطاوي  
ما بقيتش ودي قادرة تسمع  
للغناوي  
وزمان بيصدق أو بيخدع  
زي حاوي  
ونهاية بين أكوام تراب  
يمكن يلاقي النور  
في ضلمة بألف باب  
وتستمر حياه وناس  
و كثير قلوب  
مستأنفة



## توب الحبيب

(١)

كان توب جميل  
شفته في باترينة النصيب  
في الغربة لجل ماتلبسه  
ست البنات  
أول ما شفته حلفت ليكون للحبيب  
ومعاه نعوض كل يوم  
في العمر فات  
وخيالي راح يرسمه صورة  
لو تغيب !!..  
من قلبي فيه اليأس  
والأوهام تبات  
وحلمت يوم ارجعه  
والأحزان تطيب  
وهموم كثيرة في غربة

وَيَا كَثِيرَ آهَات

(٢)

ورجعت ..!!

وجريت علي قلب الحبيب

ولقيت نجيب .. موقف مهيب

ودموع كثيرة وحزن

يملا من الساحات

وعرفت يومها

بان حيي مالوش نصيب

يشاركني صحرا

بنوره يملأها بواحات

وقعدت وحدي حزين

ومستني الحبيب

وف حضني توب

كان من نصيب ست البنات



## وَرْدَةُ عُمَرِي

جَآئِلِي الْوَرْدَةَ وَهَمَسْتُ تَائِي  
وَلِقَلِّي رَدُّتْلَهُ حَيَّائِهِ  
بَقِيَ نَبْضُهُ أَنْغَامٍ وَأَغَانِي  
وَلَا عَادَ يَبْعَانِي فِي آهَاتِهِ  
وَالدُّنْيَا أَثَرُ سَمِيتِ بِمَعَانِي  
وَلِعَقَلِي يُتَسَعَّدُ أَوْقَاتُهُ  
وَلِرُوحِي بُتْطَرُدُ أَشْجَانِي  
وَتَبْدُلُهَا بِأُغْنِيَّائِهِ  
بَنَسِيمِهَا تُخَضَّرُ بُسْتَانِي  
وَتُحَلِّيهِ فِ أَرْقِ حَالَاتِهِ  
وَتُؤَمِّنِي عُمَرِي بِأَمَانِي  
مَا يَبْدُدُهَا إِلَّا مَمَاتُهُ

\*\*\*

دي الوردة علي قلبي عزيزة  
والقلب ما يقدر يسلاها  
حُب عبيرها ف قلبي غريزة  
لو عمره إنتهي ما هاينساها  
لو كان لي نصيب ف ورود  
تبقي الوردة هي نصبي  
لو ما كانتش عشائي تجود  
تبقي دوايا وتبقي طيبي  
وأنا لسة ف حبيها مولود  
وياريت ما تطول تغديبي  
وراح أصبح بهواها محسود  
لو مرة هاتقوللي (حبيبي)

\*\*\*

أيوة حبيها ونور دنيها  
وأحميها بستائر قلبي  
وندمي راح أفدي خطوتها  
وهأنور لياليها بحبي  
ونفرحي راح أفرش سكتها  
وطريقها اللي هايصبح دربي

حَاسَّة يَا وَرْدَةَ بُحْبُ حَبِيْبِكَ ؟..

حَاسَّة بِأَنَّهُ هَآيِيقِي نَصِيْبِكَ ؟..

!!!!

لَوْ حَسِيْبِي بِأَنَّهُ هَآيِيقِي

إِنْقِي هَاتِيْلِي مَعَاكِي الْبُشْرِي

قَبْلَ مَا يَطْلُعُ أُنْوَارُ بُكَرَةِ

أَصْلُهُ هُنَاكَ عَلَيَّ نَارِ مِسْتَنِّي

رَدِّ الْوَرْدَةِ حَبِيْبَةِ عُمْرِهِ

لَحْلُ تَنْوَرْلُهُ الْأَنْوَارِ

وَنَحْبُهَا هَآيِطَوَّلُ عُمْرِهِ

وَحَيَاتُهُ تَزْهَرُ أَزْهَارِ

وَهَآيِرَتَاحِ مِنْ أَوْهَامِ عُمْرِهِ

وَهَآيِقُطْفُ مِ الْحُبِّ ثِمَارِ

الَّذِي مَعَاهُ طُولُ أَيَّامِ عُمْرِهِ

مِسْتَنِّيَكِي يَا أَجْمَلَ وَرْدَةِ



## في المطّار

(١)

في المطّار

شُفت اللي رايح واللي جاي  
واللي بيضيع عمره الماضي  
علشان اللي جاي  
عمره اللي ضاع ع الفاضي  
ويا عالم ايه جاي

(٢)

وفي لقطة تانية لمحت  
ناس شايلين المتاع  
بصيت لقيتني سرحت  
ويا زماي اللي ضاع  
وعرفت اني جرحت  
كل احبابي بوداع  
ولنفسي رحت شرح

وبدأت استماع  
(موال)  
أول طريقي عذاب  
والدنيا حارة سد  
وف نُصِّه شُفَّت الصَّحَاب  
من غير إيدٍ تنمد  
مالقيتش لِيَا مَنَاب  
وَقُلْتُ أَعِيشْ عَ الْقَدِّ  
وَحَسِبْتُ أَلْفَ حَسَاب  
يمكن حقوق تترد  
ولنفسِي قُلْتُ إغتراب  
والحِلْم ضاع وإهد

(٣)

وَقُلْتُ مِنْ سَرَّ حَائِي  
ولقيتني جَوَّةَ مَطَار  
وشُفَّتْ مَنْظَرُ تَائِي  
خلالِي فِكْرِي إِحْتَار

عجوز وقف وناداني  
وقاللي يابني إختار  
ترجع لوطنك تاني  
يا تعيش غريب في مطار





## الرَّحِيل

لَمَّا جَهَ وَقَتَ الرَّحِيلِ  
سَبَّتَ اصْحَابِي وَسَبَّتَ النَّاسُ  
سَبَّتَ حَبَائِي  
دَمَّعَ قَلْبِي  
بَعْدَ مَا ذَاقَ مُرَ الْإِحْسَاسِ  
لَحَّتْ عَيْنِي سَجُونَ الْوَحْدَةِ  
صَبَّحَتْ رُوحِي مَا تَقْدِرُ قَهْدًا  
وَبَقْتُ بَتَعْدَ الْأَنْفَاسِ  
قُلْتُ يَا غُرْبَةَ سَيِّبِي شَوِيَّةَ  
هَانَ الْعُمَرُ الْعَالِي عَلَيَّا  
وَهَاعِيشُهُ عَلَيَّ أَيُّ أُسَاسٍ؟  
ضَاعَتْ وَسَطَ الْأَيَّامِ أَرْضِي  
مَا بَقَاشَ لَوْنِ الْأَيَّامِ وَرَدِي  
وَاهِي أَرْضِي مَا بَقَتْ تَنْدَاسُ  
وَرَحَلْتُ وَمَا طَلَبْتُ رَحِيلِي

وماعادت تنشف مناديلي  
ولا عاد صوتي قادر يناديلي  
ولا خلصني من الوسواس  
ولا خلصني من الوسواس  
ولا خلصني من الوسواس

## رباعيات

يَا غُرْبَةَ يَا غُرْبَتِي .. كَسَّرْتِي لِيهِ مَقَادِيفِي ؟..  
وَأَنَا كُنْتُ بَأْثُشِدَ فِيْكِ نِسْمَةُ هَوَاكِ الصَّيْفِي  
أَنَا شُفْتُ فِيْكِ عَذَابَ وَبُعْدَ عَنْ أَحْجَابِ  
بَعْدَ السَّنِينَ الْعِجَافِ .. كَيْفَكَ يَا غُرْبَةَ وَكَيْفِي ؟..

\*\*\*

فَأَتْنِي الْحَبِيبُ فِي الدُّنْيَا مِنْ غَيْرِ شِرَاعٍ وَلَا دَفَّةٍ  
وَدَوَامَاتِ الْعَسْدَابِ لَفْتْنِي مَلِیُونَ لَفَّةٍ  
طَبَّيْتُ وَرُحْتُ فَطِيسَ .. وَالْمِي فَيَا حَبِيسَ  
لَكِنْ نَهَايَةِ الْمَطَافِ لِأَبَدٍ تَرْجَحُ كَفَّةَ

\*\*\*

فَأَتَتْ سَنِينَ وَسَنِينَ وَالْحَقُّ لِسَّةَ مَا جَاشَ  
وَالْقَهْرُ شَافِقَ طَرِيقِهِ مَا شِي وَلَا الْقَشَّاشَ  
طَوَّلَ عُمُرَنَا بِنِكَافِحَ .. فِي نَارِ لَهْيِهِ اللَّافِحَ  
وَلِسَّةَ تَسَانِي هَانِدْفَعَ ... مَا فِيشَ حُقُوقَ بِيَلَاشَ

يا دُسْتُورَ الهَنا .. أَهْلاً وَمَرْحَباً بِكَ  
جِئْنَا فِي وَقْتٍ صَعِيبٍ .. كُنَّا فِي حَاجَةٍ إِلَيْكَ  
شَكَّلَكَ صَاحِبُ إِنْعَائِرٍ ... وَالْجِلْمُ لِسَّةً صَغِيرَ  
لَكِنْ وَبَعْدَ مَا جِئْتَ غَيَّرْتَ إِيَّاهُ حَوَالِكَ ..؟

\*\*\*

سَيِّدَ الْحَبَائِبِ هَنا وَتُسَدِّعُنِي لِلْمَجْرُوحِ  
مِنْ بَعْدِ يَوْمِ الهَنا صَبَحَ الْجِرَاحُ مَفْتُوحَ  
بَعْدَ الْحَبِيبِ مَا إِفْتَرَقَ .. وَحِلْمُهُ نَاهُ وَإِثْرَهُ  
لَوْ مَاتَتِ الْأَشْوَاقُ .. هَآيِجِي إِلَيْهِ وَيُروحُ ..؟

\*\*\*

شُفْتُ الْعِرَاقَ وَلَقِيتُ عَسْرِيَّةً مِتْفَحَّةً  
وَجِوَرَانَهَا عَرَبَ الْجَزِيرَةِ يَمُوتُوا فِي الْفَخْفَخَةِ  
وَالشَّامَ وَأَرْضَ النَّيْلِ مَشَى لَا قِيَةَ أَيِّ بَدِيلٍ  
لِيهِ الْعُرُوبَةُ يَا نَاسَ أَوْصَالِهَا مِتْلَحَلَّةً ..؟

## الفهرس

٥	إهداء
٧	لحظة رجعتى
٩	سلسلة مفاتيح
١٣	شكشوكة
١٧	يوميات عسكري امن مركزي
١٩	بلكونات بريطانيا العظمى
٢٣	أوكازيون التخصصة
٢٧	الفهلوة
٢٩	الإحباط القومى العام
٣٧	صبحنا وصبح الملك لله
٣٩	الاستقلال التام او الموت الزؤام
٤٣	قارئة الجورنال
٤٧	هتيف فى الانتخابات
٤٩	وظيفة ميرى
٥١	الهيمنة

٥٥	مأذون عرفى
٥٧	انتحار العواظلية
٦١	خط الفقر
٦٣	جيفارا آت
٦٥	الوجه الآخر لصورة صلاح جاهين
٦٩	ويًا الحمام
٧١	الحلم المفقود
٧٣	المراية
٧٥	حبيب العمر
٧٧	أمل بكرة
٧٩	الوردة
٨١	وطن القلوب
٨٧	توب الحبيب
٨٩	وردة عمري
٩٣	في المطار
٩٧	الرحيل
٩٩	رباعيات